



## Universitätsbibliothek Paderborn

### **Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum**

Pars Altera Decisionum Practicarum Casuum Conscientiæ Selectorum In  
Praxi, Et Foro Interno Quotidie Occurrentium, Omnibusque, Præsertim  
Ecclesiasticis, Qui Sui, Et Aliorum Curam Gerunt, Perutilium, Resolutorum

**Leonardelli, Bonaventura**

**Augustæ Vindelicorum ; Græcii, 1739**

Q. 3. An dubius de Excommunicatione debeas te reputare censurâ  
ligatum?

**urn:nbn:de:hbz:466:1-41144**

337 Ad 3. Q. Non nulli cum Sayro in clavi reg. l. 1. c. 13. arbitrantur, in dubio juris non esse quempiam censendum excommunicatum; bene autem in dubio facti. Alii cum Valq. 1. 2. q. 19. a. 6. D. 65. & 66. tradunt, in utroque dubio cenferi excommunicatum.

Verum alii melius cum Sanch. J. 1. c. 10. n. 55. & Palao l. c. docent Stante dubio sive juris, sive facti, quod post debitam diligentiam vinci nequit, te non esse reputandum censuram ligatum, quia cum ratione Baptismi jus habeas fruendi bonis communibus spiritualibus Ecclesie, non es iis privandus, & a tua certa possessione dejiciendus ob dubium tibi subortum, & quidem neque in dubio juris, quando post adhibitam debitam diligentiam ignoras, an Excommunicatio lata sit in jure, aut talem casum comprehendat; quia tunc censura non est satis tibi promulgata; nequis enim tunc dici censuram contemnere, quam justè ignoras positam esse, uti docet S. Thom. quodlib. 4. a. 14. & colligitur ex c. is, qui de sent. Excomm. in 6. Neque in dubio facti, ut si dubites, an Clericum percusseris; tum

quia in dubio potior est conditio possidentis; tum quia omnia jura clamant in dubio delicto reum absolvendum esse, Regul. favorabiliores 168. ff. de reg. jur. & Reg. cum sunt ead. tit. in 6. à qua regula, tanquam rationi valde consona, recedendum non est, ut ait citt. Sanch. absque expresso juris textu, qualis in solo irregularitatis homicidio dubio reperitur; nullus verò in jure textus est decidens in dubio facti præsumi quempiam excommunicatum. Quòd si certus quidem sis, censuram esse positam, dubites autem, an ea fuerit justa, an sufficiens causa excommunicandi, an servatus juris ordo, &c. præsumptio, & possessio est pro Judice, ejusque sententia, quia non subditi, sed Judicis est hoc examinare, & subditi obedire, dum illi de injustitia, aut causæ insufficientia non constat. Idem est, si dubites, an fueris à censura absolutus, cum certò scias, te fuisse eam ligatum; nam nequis stante hoc dubio te reputare absolutum, sed potius ligatum, quia pro censura; ejusque ligamine stat possessio, uti

apertè etiam colligitur ex C. sicut, de sentent. Excomm.



CASUS